





Խորհրդանիշի հայեցակարգը հիմնված է այն գաղափարի վրա, որ կառավարման համակարգն աստիճանական անցում է կատարում ներքևից վերև՝ տեղական ինքնակառավարումից դեպի պետական կառավարում:

Խորհրդանիշն ունի գրքի տեսք, որը պատկերում է հայ ավանդական ձեռագիր մատյան՝ իր հոգևոր-մշակութային բացառիկ արժեքով:

Խորհրդանիշի ներսում «Հայաստանի Հանրապետություն» բառակապակցության սկզբնատառերն են՝ լուծված գլխատառերով, որոնք զուգահեռվում են հայկական լեռների գծապատկերին:

Աջ մասում հայ ճարտարապետության մեջ օգտագործվող՝ հելլենիստական մշակույթին բնորոշ հոնիական սյունն է, որը խորհրդանշում է պետականության գերակայությունը:

Ներքևի ձախ անկյունում Տիգրան Մեծի շրջանին բնորոշ ութաթև աստղն է, որը խորհրդանշում է կրթության լույսը՝ լուծված դարբնոցի քուրայի խորհրդապատկերով:

Ներքևի մասում հորիզոնական դիրքով գրված է «ՊԵՏԱԿԱՆ» բառը, իսկ հոնիական սյան ձախ մասում ուղղահայաց դիրքով՝ «ԿԱՌԱՎԱՐՄԱՆ ԱԿՏԻՎՈՒՄԻ» բառերը:

Խորհրդանիշի գերիշխող գույնը հայկական ձեռագրային մշակույթում տարածված լաջվարդն է՝ երկնագույնը, որը խորհրդանշում է խաղաղ երկնքի ներքո հայ ժողովրդի ապրելու կամքը:

*«ՀՀ պետական կառավարման ակադեմիայի խորհրդանիշի հեղինակը ճարտարապետ Միքայել Միսակյանն է:*



## ՌԵԿՏՐԻ ՈՒՂԵՐՁ

Սիրելի՛ դիմորդներ, ՀՀ պետական կառավարման ակադեմիայի ապագա ուսանողներ

Եթե դուք որոշել եք Ձեր ուսումնառությունը շարունակել ՀՀ պետական կառավարման ակադեմիայում, նշանակում է անտարբեր չեք մեր երկրում տեղի ունեցող ներկա և ապագա գործընթացների հանդեպ: Ավելին, Դուք ցանկանում եք մասնակիցը դառնալ այդ գործընթացների և Ձեր հնարավորությունների չափով նպաստել Հայաստանի Հանրապետության կայունությանն ու զարգացմանը: Վստահ եղե՛ք, որ ընտրել եք հենց այն կրթական հաստատությունը, որտեղ պատրաստվում են կառավարման ոլորտի լավագույն մասնագետները, և որտեղ վերապատրաստվում են պետական կառավարման համակարգի տասնյակ հազարավոր ծառայողներ: Հենց դա է ՀՀ պետական կառավարման ակադեմիայի գլխավոր առաքելությունը, որը պատվով իրականացնելու համար կրթօջախն ունի բավարար ներուժ, բազմափորձ ու գիտակ պրոֆեսորադասախոսական կազմ, կրթության գործի կազմակերպման հրաշալի մասնագետներ: Կրթություն ստանալով ՀՀ պետական կառավարման ակադեմիայում՝ շատ շուտով դուք ձևավորելու եք առաջնորդների այն գալիք սերունդը, որն ստանձնելու է պետական կառավարման համակարգի խնդիրները լուծելու պատասխանատվությունը: Իսկ այդ բարդ խնդիրները լուծելու, առկա և հնարավոր մարտահրավերներին դիմակայելու ամենահուսալի հիմքը այն գիտելիքներն են, որ ձեռք կբերեք այստեղ ուսանելու տարիներին: Ուրեմն՝ բարի գալուստ ՀՀ պետական կառավարման ակադեմիա:







Հայաստանի Հանրապետության պետական կառավարման ակադեմիան Հայաստանի Հանրապետության կառավարման դպրոցի իրավահաջորդն է, որը հիմնվել է 1994 թվականի մայիսի 24-ին:



«Հայաստանի Հանրապետության կառավարման ակադեմիայի մասին» 2003 թ. ապրիլի 10-ի թիվ 370 որոշմամբ, Ակադեմիայում հիմք դրվեց մագիստրոսական ծրագրերով ուսուցման:



1994

2002

2003

ՄԵՐ ՃԱՆԱՊԱՐԿԸ

«Հայաստանի Հանրապետության կառավարման ակադեմիայի մասին» 2002 թ. ապրիլի 8-ի թիվ 338 որոշմամբ, Հայաստանի Հանրապետության կառավարման դպրոցը վերակազմակերպվեց «Հայաստանի Հանրապետության պետական կառավարման ակադեմիա» պետական ոչ առևտրային կազմակերպության:



**ԱԿԱԴԵՄԻԱՅԻ ԳՈՐԾՈՒՆԵՈՒԹՅԱՆ ՇՐՋԱՆԱԿԸ**

- Բարձրագույն մասնագիտական (մագիստրատուրա) և հետբուհական (ասպիրանտուրա, դոկտորանտուրա, հայցորդություն) ծրագրերի իրականացում
- Լրացուցիչ և շարունակական կրթություն (վերապատրաստում)
- Գիտական և կիրառական հետազոտական աշխատանքների կատարում
- Պետական կառավարման ոլորտում գիտական հիմնարար և կիրառական հետազոտություններ
- Միջազգային գիտակրթական համագործակցություն



**ԱԿԱԴԵՄԻԱՅԻ ԱՌԱՎԵԼՈՒԹՅՈՒՆՆԵՐԸ**

Մրցունակ կադրեր աշխատաշուկայում







## ՄԱԳԻՍՏՐՈՍԻ ԿՐԹԱԿԱՆ ԾՐԱԳՐՈՎ ԻՐԱԿԱՆԱՑՎՈՂ ՄԱՍՆԱԳԻՏՈՒԹՅՈՒՆՆԵՐ

### 1. ԿԱՌԱՎԱՐՈՒՄ

#### Կրթական ծրագրերը

- Հանրային կառավարում
- Հանրային ֆինանսների կառավարում
- Պետական կառավարում և տեղական ինքնակառավարում
- Գործարար վարչարարություն – MBA (Երեկոյան ուսուցում)
- Գործարար վարչարարություն – MBA (հեռավար ուսուցում)
- Զբոսաշրջության կառավարում - (Երեկոյան ուսուցում)
- Մարդկային ռեսուրսների կառավարում - (Երեկոյան ուսուցում)

### 2. ԻՐԱՎԱԳԻՏՈՒԹՅՈՒՆ

#### Կրթական ծրագիրը

- Իրավագիտություն

### 4. ՔԱՂԱՔԱԳԻՏՈՒԹՅՈՒՆ

#### Կրթական ծրագրերը

- Գլոբալ կառավարում և տարածաշրջանային քաղաքականություն
- Քաղաքական կառավարում և քաղաքական վերլուծություն
- Քաղաքական ժուռնալիստիկա և PR տեխնոլոգիաներ

### 5. ՀՈԳԵԲԱՆՈՒԹՅՈՒՆ

#### Կրթական ծրագիրը

- Կառավարման հոգեբանություն



## Հեռավար մագիստրոսական կրթություն

ՀՀ պետական կառավարման ակադեմիան 2017 թվականից իրականացնում է հեռավար ուսուցում «Գործարար վարչարարություն (MBA)» մագիստրոսական կրթական ծրագրով: «Գործարար վարչարարություն» կամ MBA (Master of Business Administration) կրթական ծրագիրը պատրաստում է բիզնես-ուլորտի կառավարման մասնագետներ: Հաշվի առնելով բիզնես-ուլորտի դերը Հայաստանի Հանրապետության տնտեսության զարգացման գործում, ինչպես նաև բիզնեսի կառավարման մասնագետների ոչ բավարար քանակը՝ ՀՀ պետական կառավարման ակադեմիան «Գործարար վարչարարություն» կրթական ծրագիրն իրականացնում է նաև հեռավար ձևաչափով: Հեռավար ուսուցման առավելությունը կրթություն ստանալու հնարավորությունն է՝ չհեռանալով բնակության վայրից և չկտրվելով աշխատանքից, ինչպես նաև կրթության մատչելիությունը և հասանելիությունը ապահովելը:

## ՖՐԱՆՍԱՀԱՅ ԲԱՐԵՐԱՐ ՌԱՅՄՈՆԴ ԵՆԵԳԵԼՅԱՆԻ ԿՈՂՄԻՑ ՖԻՆԱՆՍԱՎՈՐՎՈՂ ՍՈՑԻԱԼԱԿԱՆ ԱԶԱԿՑՈՒԹՅԱՆ ԾՐԱԳԻՐ

Իրավաբանական մասնագիտացումների հայ-ֆրանսիական ֆեդերացիայի նախագահ, Ակադեմիայի գործընկեր, ֆրանսահայ բարերար Ռայմոնդ Եգեգեյանը ամեն տարի ֆինանսական աջակցություն է ցուցաբերում կրթօջախի շուրջ երկու տասնյակ ուսանողի: Բարերարի անվան միանվագ կրթաթոշակի շահառուները բարձր առաջադիմություն ունեցող, սահմանամերձ բնակավայրերում ապրող, մարտական գործողությունների մասնակցած կամ պայմանագրային զինվորական ծառայության մեջ գտնվող, սոցիալապես անապահով և հիմնական բնակության վայրից տեղահանված մագիստրանտներն են:







**ՄԻՋԱԶԳԱՅԻՆ  
ՀԱՄԱԳՈՐԾԱԿՑՈՒԹՅՈՒՆ**

Ակադեմիան իրականացնում է Եվրամիության Էրազմուս+ ծրագրի «Բարձրագույն կրթության կարողությունների զարգացում» SMARTI (Աջակցություն անգլերենով դասավանդելու նորարարական մեթոդաբանությանը, մոտեցումներին և գործիքակազմի կիրառմանը՝ կրթության արդյունավետությունը, կայունությունը և միջազգայնացումը բարելավելու նպատակով) և Ժան Մոն գործողության PROMOEU (Եվրոպագիտության խթանումը Հայաստանում) ծրագրերը, ինչպես նաև մասնակցում է դասախոսների և ուսանողների կրեդիտների միջազգային շարժունության ծրագրերի:

Միջազգային ծրագրերի շրջանակներում Ակադեմիան համագործակցում է արտասահմանյան մի շարք բուհերի հետ. ➡



- ➡ • Զալցբուրգի համալսարան (Ավստրիա)
- Գրոդնոյի պետական բժշկական համալսարան (Բելառուսիա)
- Բիհաչի համալսարան (Բոսնիա և Հերցեգովինա)
- Դրեզդենի տեխնոլոգիական համալսարան (Գերմանիա)
- Շենոնի տեխնիկական համալսարան (Իռլանդիա)
- Ռիգայի տեխնիկական համալսարան (Լատվիա)
- Բեյրութի Հայկազեան համալսարան (Լիբանան)
- Լիտվայի պետական կառավարման դպրոց (Լիտվա)
- Միկոլաս Ռոմերիս համալսարան (Լիտվա)
- Լոյոլայի գործարար վարչարարության ինստիտուտ (Հնդկաստան)
- Լիվերպուլի Ջոն Մուրս համալսարան (Միացյալ Թագավորություն)
- Մոլդովայի Հանրապետության պետական կառավարման ակադեմիա (Մոլդովա)
- Շանհայի միջազգային հետազոտությունների ինստիտուտ (Չինաստան)
- Պորտոյի կաթոլիկ համալսարան (Պորտուգալիա)
- Տիմիշոարայի արևմտյան համալսարան (Ռումինիա)
- Տրանսիլվանիա համալսարան (Ռումինիա)
- Բրաշովի Տրանսիլվանիայի համալսարան (Ռումինիա)
- Բելգորոդի պետական ազգային հետազոտական համալսարան (Ռուսաստան)
- Խարկովի պոլիտեխնիկական ինստիտուտի ազգային տեխնիկական համալսարան (Ռուսաստան)
- Մորդովիայի Ն. Պ. Օգարյովի անվան պետական համալսարան (Ռուսաստան)
- ՌԴ Նախագահին կից Ռուսաստանի ժողովրդական տնտեսության և պետական ծառայության ակադեմիա (Ռուսաստան)
- Ռուսաստանի գիտությունների ակադեմիայի հոգեբանության ինստիտուտ (Ռուսաստան)
- Մանարա համալսարան (Սիրիա)
- Մարիբորի համալսարան (Սլովենիա)
- Կիևի Մոհիլա ակադեմիայի ազգային համալսարանի հակակոռուպցիոն հետազոտությունների և կրթական կենտրոն (Ուկրաինա)
- Ուկրաինայի քաղաքացիական պաշտպանության ազգային համալսարան (Ուկրաինա)
- Միավորված ազգերի կազմակերպության տնտեսական և սոցիալական հանձնաժողովի Ասիայի և Խաղաղօվկիանոսյան ավազանի երկրների տեղեկատվական և հաղորդակցության տեխնոլոգիաների զարգացման կենտրոն (UN-AP-CICT/ESCAP) և այլ գիտակրթական հաստատություններ:





**ԳԻՏԱԿԱՆ ԳՈՐԾՈՒՆԵՈՒԹՅՈՒՆ**

**Ակադեմիան ունի ասպիրանտուրա իրականացնելու թույլտվություն հետևյալ մասնագիտություններով՝**

1. Հանրային իրավունք
2. Տնտեսության, նրա ոլորտների տնտեսագիտություն և կառավարում
3. Քաղաքական ինստիտուտներ և գործընթացներ
4. Հոգեբանության տեսություն և պատմություն

Ակադեմիայի կարևորագույն գիտական առաքելությունն է՝ արձագանքել Հայաստանի Հանրապետությունում կառավարման կարիքներին, առավելագույնս աջակցել հանրային ծառայության արդիականացման խնդիրներին, խթանել նորարարական գործընթացները հանրային կառավարման բնագավառում:

Ակադեմիայում կազմակերպվում են մասնագիտական ուղղվածությամբ գիտաժողովներ, կլոր սեղաններ՝ գիտնականների, պետական կառավարման համակարգի ներկայացուցիչների, մագիստրանտների, ասպիրանտների, ինչպես նաև արտերկրի տարբեր գիտական հաստատություններում դասավանդող դասախոսների մասնակցությամբ:

**ՈՐԱԿԻ ՆԵՐՔԻՆ ԱՊԱՀՈՎՈՒՄ**

Ակադեմիան, կարևորելով բարձրագույն կրթության ոլորտում տեղի ունեցող փոփոխությունները, նորագույն մարտահրավերները կանխատեսելու և դրանց արձագանքելու, շահառուների կարիքները լավագույնս բավարարելու, կրթության որակը և արդյունավետությունը էապես բարձրացնելու անհրաժեշտությունը, իր գործունեությունն իրականացնում է մրցունակ մասնագետների պատրաստման, մասնագիտական կրթական ծրագրերի բազմազանեցման, կառավարման

գործընթացների կանոնակարգման, ֆինանսական կայունության ապահովման և այլ ուղղություններով:

Ակադեմիայի որակի ներքին ապահովման գործընթացն իրականացվում է հետևյալ փոխկապակցված բաղադրիչների արդյունավետ գործառնման միջոցով.

- որակի մշակույթի տարածմանը նպաստող կառավարման գործուն կառուցակարգերի ներդրում,
- հրապարակայնության, թափանցիկության, հաշվետվողականության ապահովում,
- կրթական ծրագրերի և ուսումնասովանողական ծառայությունների իրականացման համար համապատասխան ռեսուրսների ապահովում,
- Ակադեմիայի ներքին և արտաքին շահակիցների կարիքների բավարարմանն ուղղված գործընթացների շարունակական իրականացում,
- Ակադեմիայի որակի ներքին և արտաքին ապահովման կառուցակարգերի արդյունավետ գործադրում և որակի շարունակական բարելավման մշակույթի խթանում:



**ՈՒՍԱՆՈՂԱԿԱՆ ԽՈՐՀՈՒՐԴ**

ՀՀ ՊԿԱ ուսանողական խորհուրդն ապահովում է Ակադեմիայի ուսանողների ինքնակառավարման գործընթացները, արտահայտում և պաշտպանում է նրանց շահերը: Ուսանողական խորհրդի դերը մեծ է սովորողների իրավունքների պաշտպանության, կրթական, գիտական, սոցիալական և այլ կարիքների վերհանման գործում:

Ակադեմիայի ուսանողական խորհուրդն աջակցություն է ցուցաբերում ուսումնական գործընթացի կատարելագործման և բարելավման հարցերում, անհրաժեշտության դեպքում մասնակցում է Ակադեմիայի կողմից կազմակերպվող գիտահետազոտական աշխատանքներին, կապեր է հաստատում հայաստանյան բուհերի ուսանողական ինքնակառավարման կառույցների հետ, ինչպես նաև համագործակցության եզրեր փնտրում արտասահմանյան բուհերում սովորող ուսանողների հետ:

Ակադեմիայում գործում է Ուսանողական գիտական ընկերություն: Ընկերության նպատակը մագիստրանտների, ասպիրանտների և հետազոտողների գիտական, հետազոտական, ստեղծագործական և հոգևոր զարգացմանը նպաստելն է:

# ԼՐԱՑՈՒՑԻՉ ԵՎ ՇԱՐՈՒՆԱԿԱԿԱՆ ԿՐԹՈՒԹՅՈՒՆ



Ակադեմիան իր գործունեության ողջ ընթացքում կարևոր դերակատարում է ունեցել հանրային ծառայողների վերապատրաստման համակարգի կայացման, վերապատրաստման ծրագրերի մշակման գործում:

Կուտակված փորձով և կազմակերպվածության մակարդակի բարձրացմամբ պայմանավորված՝ այսօր արդեն Ակադեմիայի վերապատրաստման դասընթացներին մասնակցում են տարեկան շուրջ 3000 քաղաքացիական ծառայողներ, համայնքների ղեկավարներ, ավագանու անդամներ և պետական ծառայողներ:

Ակադեմիայում կազմակերպվող վերապատրաստման դասընթացներին մասնակցում են՝

- քաղաքացիական ծառայողները
- տեղական ինքնակառավարման մարմինների անդամները (համայնքների ղեկավարներ և ավագանու անդամներ)
- ՀՀ Ազգային ժողովի աշխատակազմի պետական ծառայողները
- ՀՀ պաշտպանության նախարարության աշխատակազմի քաղաքացիական ծառայողները


Վերապատրաստման ծրագրերը մշակվում և իրականացվում են վերապատրաստման կարիքի բացահայտման և գնահատման մեթոդաբանության հիման վրա:

Իրականացվում են նաև անհատական, կորպորատիվ վճարովի կարճաժամկետ, երկարաժամկետ և անգլերենով թեմատիկ վերապատրաստումներ («Մարդկային ռեսուրսների կառավարում (HR)», «Արդյունավետ կառավարման հմտություններ», «Գնումների գործընթացի կազմակերպում», «Հանրային կապեր (PR)», «Թուփ մենեջեր», «Ինովացիաների կառավարում» և այլն):


## ՀՐԱՏԱՐԱԿՉԱԿԱՆ ԳՈՐԾՈՒՆԵՈՒԹՅՈՒՆ

Հանրապետությունում կատարվող գիտական աշխատանքները հանրությանը ներկայացնելու, լուսաբանելու և այդ ուղղությամբ իրականացվող բարեփոխումներին նպաստելու նպատակով ՀՀ պետական կառավարման ակադեմիան 2004 թվականից հրատարակում է «Հանրային կառավարում» գիտական հանդեսը:

Գիտական հանդեսի խմբագրական խորհրդի կազմում



ընդգրկված են ոչ միայն Հայաստանի, այլև արտասահմանյան երկրների հեղինակավոր մասնագետներ (ԱՄՆ, Բելառուս, Լիբանան, Կանադա, Չինաստան, Ռուսաստան, Ուկրաինա, Ֆրանսիա): Արտասահմանցի հեղինակների գիտական հոդվածները պարբերաբար տպագրվում են Ակադեմիայի գիտական հանդեսում: Հանդեսն ունի «Հանրային կառավարում», «Տնտեսագիտություն և կառավարում», «Իրավագիտություն», «Քաղաքագիտություն» և «Հոգեբանություն» բաժինները: Նյութերը հրապարակվում են հայերեն, ռուսերեն կամ անգլերեն և ուղեկցվում են հեղինակային ամփոփագրերով՝ նշված երեք լեզուներով: «Հանրային կառավարում» գիտական հանդեսն ընդգրկված է ՀՀ բարձրագույն որակավորման կոմիտեի (ՀՀ ԲՈԿ) սահմանած դոկտորական և թեկնածուական ատենախոսությունների հիմնական արդյունքների և դրույթների հրատարակման համար ընդունելի պարբերական գիտական հրատարակությունների ցանկում:



## ԳԻՏԱՏԵԽՆԻԿԱԿԱՆ ԳՐԱԴԱՐԱՆ

ՄԵԾԱԳՈՒՅՆ ԳԱՆՁԸ ԼԱՎ ԳՐԱԴԱՐԱՆՆ Է: Բեիլիսկի

Ակադեմիայի գիտատեխնիկական գրադարանը, որպես ուսումնական հաստատության կարևորագույն օղակ, էական նշանակություն ունի հարուստ գիտելիքներով զինված, որակյալ մասնագետների պատրաստման, ուսումնական գործընթացի արդյունավետ կազմակերպման, գիտական հետազոտությունների իրականացման արդյունավետության բարձրացման, քաղաքակիրթ և տեղեկացված հասարակություն ձևավորելու գործում:

Ակադեմիայի գիտատեխնիկական գրադարանն անդամակցում է Հայաստանի էլեկտրոնային գրադարանների համագործակցությանը, ինչը հնարավորություն է ընձեռում օգտվելու EBSCOhost, eLIBRARY, Springer LINK էլեկտրոնային շտեմարաններից:

- Գրադարանի հագեցվածությունը.
- ավելի քան 17 300 միավոր գրականություն,
  - ինտերնետ հասանելիություն ապահովող համակարգիչներ,
  - բազմաֆունկցիոնալ տպիչ սարքեր, տեսապրոյեկտոր, ինտերակտիվ գրատախտակ, տեսաձիր (scan),
  - WiFi կապ:





### Մեր հասցեն՝

ՀՀ, 0028 ք. Երևան, Կիևյան 8  
Հեռ. 374 10 26 92 59, ֆաքս՝ 22 89 42  
Էլ.փոստ՝ [info@paara.am](mailto:info@paara.am), [aspa.paara@gmail.com](mailto:aspa.paara@gmail.com),  
Վեբ կայքը՝ [www.paara.am](http://www.paara.am)

